



## **CÉRÉMONIE D'OUVERTURE 2011**

### **TÉMOIGNAGE DE MARIE-CLAIRE**

Méin Numm as Marie-Claire, ech sin 53 Joer aal, bestued, Mamm, Stéifmamm an Bomi.

Ech hun virun 2 Joer t'Diagnos Broschkriibs kritt. Virdrun war ech nie krankhechstens mol eng Erkältung. 2009, no der Diagnos, no der Operatioun war ech anner halleft Joer an Behandlung. Ech sin ömmer virun schaffen gängen, war et dach méin gréissten Wonsch, méin „normalt“ Liewen können virun ze liewen.

Haut sin ech aus medizinescher Siicht „onopfälleg“.

Vun Ufank un, bis haut war t'Angscht méin gréissten Problem:

- Angscht virun der Diagnos, virun den Untersuchungen
- Angscht virun de Resultater an der Operatioun mat Amputatioun
- Angscht virun der Behandlung, den Niewenwirkungen an Nowierkungen.

An dann eröm Angscht virun all Kontroll an engem Réckfall. Ech hun dofir Höllef gesicht an font.

Bei der Fondation Cancer an enger verständnisvoller Psychologin. Sie huet mech geléiert wé ech mat Angscht liewen kann, wéi ech Angscht kann hun, awer nöt zur Angscht gin.

Begraff hun ech dass t'Liewen haut an elo as, an dass ech besser op mech oppassen muss.

An der Fondation Cancer hun ech och eng groupe de paroles besicht, mat betroffenen Fraen, wéi ech.

Déi alleréischten Kéier wou ech dohin gangen sin, hun ech iwert meng Angscht geschwat meng Hoer duerch Therapie ze verléieren. Ganz spontan hun der zwee vun hinnen hir paréck ofgedoen an mir gewisen dass eng Frau ouni Hoer guer nôt ellen as, mee jhust anescht ausgeséit.

Mir hun eis regelmässeg getraff an eis géigenséiteg önnerstötzt. Mir hun zesummen gehofft, gebaangt, mol gekrasch awer och vill zesummen gelaacht.

Néierens hun ech mech esou gedroen an verstanen gefillt wéi do.

Och haut treffen mir eis nach regelmässeg.

MERCI Meedercher dir sidd all eenzegaarteg an formidabel.

MERCI wöll ech och méngen Dokteren an dem Klinikpersonal soen , déi fir all Patient daat bescht wöllen.

En léift Wuert, en léiwe Geste, en opmonternt Laachen oder souguer heiandsdo en Kompliment vun hinnen waren Balsam fir meng Séil.

MERCI un iech all déi dir haut hei sidd, an eis domadder weist dass mir nôt eleng sin. Dös Önnerstötzung as esou wichteg, well se eis Mut mecht an enger schwéierer Zéit an eis hölleft gesond ze gin.

Méin gréissten MERCI göllt awer menger léiwer Famill, déi meng Tréinen ömmer gedrechent huet, mengen gudden Frönn déi mech ömmer opgefangen hun, an denen beschten an loyalsten Arbechtskolleegen déi et gin.

Dir all wart déi beschten Medizin, an dat ouni Nierwenwirkungen.

Dir hut alles richteg gemaach.

MERCI.